



六朝事迹編類卷下

山崗門第六

石碗山 碗身委切

新安張敦頤編



輿地志云秦始皇時望氣者云汴東有天子氣乃東遊以  
厭之又鑿金陵以斷其勢今方山石碗是其所斷之地也  
孫盛云東至方山有直瀆自瀆至此山或云是秦所掘山  
今方山西九里有大壑枕淮合壑悉是石名石碗京師溝  
渠之石悉鑿此壑取之在城東南肆十五里

天關山

晉元帝即位起宮殿城闕郭璞云不便一乃指牛山  
為天關楊脩有詩云牛頭天際半疑嵐王導無喻示

若指連山為上關長安應合指終南

鳳臺山

宋元嘉中鳳凰集於此山乃築臺於山椒以旌嘉瑞在府西南二里今保寧寺是也唐李白詩曰置酒延落景金陵鳳凰臺長波駕萬古心與雲俱闊昔時有鳳凰鳳凰為誰來鳳凰去已久正當今日回明王越羲軒天老坐三台嘉士無所用彈琴醉金罍東風吹山花安可不盡盃六帝沒幽草深宮冥綠苔置酒勿復道歌中但相推又詩曰鳳凰臺上鳳凰遊鳳去臺空江自流吳時花草埋幽境晉國衣冠成古丘三山半落青天外二水中分白鷺洲總為浮雲能蔽日長安不見使人愁宋齊丘有詩云嵯峨壓洪泉岸

若撐碧落宜哉秦始皇不驅名不鑿上有布政臺八顧皆城郭山蹙龍虎泉黑螭蛭作白欲吞天赤驥相搏燂

畫棟泥金碧石路盤

倒掛哭月猿危立思天鶴鑿池

蒼蛟龍栽植棲鸞鷲梁間燕教雛石罅蛇懸殼養花如養賢去草如去惡日晚巖城鼓風未肯寺鐸掃地驅塵埃剪萬除鳥雀金桃帶葉摘綠杼和衣唯貞竹無盛衰梅柳先搖落塵飛景陽井草合臨春閣芙蓉如佳人回首似調護當軒有直道無人肯駐脚夜半鼠勃窣天陰鬼楸楸松孤不易立石醜難安着自憐咏木鳥去盡終不錯晚風吹掃桐樹頭鳥噪一栽一江今石青苔何淡薄不語與已黃

者思渺邈吁哉未到此編方同尺蠖就鳥爰

鳩角一日賢太守與我觀素錦社、獨自語天帝相雅  
風雲偶不來寰宇銷一略我欲負長鯨必海為鼎鑊我欲  
取大鵬天地為繳矰安得生羽翰雄飛上寥廓續音句絲也其詩

列今保  
粹寺內

覆舟山

寰宇記云石城北五里周回三里高三十一丈東接青溪  
北臨真武湖狀如覆舟因以為名輿地志云宋元嘉中改  
名真武山以其臨真武湖山後有真武觀故也晉北郊壇  
宋藥園墨樂遊苑冰井甘露亭皆在此山

幕府山

寰宇記云在城西北周回三十里高七十丈東北臨直瀆

浦西接寶林山南接蟹浦輿地志云臨沂縣東八里有幕  
府山寰宇記云晉元帝自廣陵度江建康城荒落以府第  
居縣北山下因以幕府山為名圖經則云丞相王導建幕  
府於此山因名之山上有虎跑疏也切泉其西巔有仙人

墓宋明帝高寧陵在山西主導温嶠亦葬山西又按寰宇  
記云陳武帝破北齊軍四十六萬於幕府山下至後主禎  
明中嘗幸此山校獵虞世南獻賦以美之楊脩有詩云六  
代繁華一瞬間平蕪遠樹不勝閑倚樓天溟雲如幕知是  
卿邪幕府山

雞籠山

寰宇記云在城西西北九里西接落星湖北臨泗塘與

志云雞籠山在覆舟山西二百餘步其狀如雞籠山以  
名按南史宋文帝元嘉十五年立儒館於址初命雷次宗  
居之次宗因開館於雞籠山齊高帝嘗就次宗受禮及左  
氏春秋又竟陵王子良嘗移居雞籠山下集四學士抄五  
經百家為四部要略千卷又按宋文帝元嘉中改為龍山  
以黑龍嘗見真武湖此山正臨湖上因以為名今去縣六  
里晉元帝明帝成帝哀帝四陵皆在山南中有寺五所

### 方山

寰宇記云山高一百一十六丈周回二十七里圖經云西  
面方如城東南有水下注長塘流溉平陸又按輿地志云  
湖西北有方山頂正方上有池水謙之丹陽記曰山形

方如印故曰方山亦名天印山秦始皇鑿金陵此山是其  
斷者文選謝靈運東出鄰里相送至方山靈運嘗賦詩其  
略云辭纜及流潮懷舊不能發又按南史宋何尚之為尚  
書僉元嘉末致仕於方山著退居賦以明所守議者咸謂  
尚之不能固志後果然又按齊武帝嘗幸方山顧左右曰  
朕欲經始山之南復為離宮期勝新林苑徐孝嗣荅曰繞  
黃山牛首乃盛漢之事今江南未廣願少留神乃止圖  
經謂齊武帝於方山築苑不知何所據而云

### 攝山

寰宇記云周回四十里高一百三十二丈東連畫石山南  
接落星山陳江總攝山極霞寺碑乃南徐州琅琊郡江東

縣有攝山其狀似徽亦名徽山尹先生記云山多草葉可  
以攝養故以攝為名南史齊明僧紹住江乘攝山今栖霞  
寺即其宅也今去城四十五里

東山

上元縣有西東山一在崇禮鄉今土山是也晉書謝安寓  
居會稽棲遲東山此安之舊隱也後於土山營築以擬東  
山今去縣二十里一在鍾山鄉蔣廟東北宋劉勰隱居之  
地南史勰嘗經始鍾嶺以為棲息及造園宅名為東山今  
去縣十五里陳軒金陵集載李白李建勳東山詩皆指土  
山而作

白山

圖經云舊屬江東縣周回八里高八十大東接竹堂山南  
接蔣山北連攝山西有水下涇平陸輿地志云階磯碑在  
悉出此山南史梁敬騎常侍常載有田十餘頃在江乘縣  
之白山天嘉元年遂築室而居屏絕人事不入籬門者十  
餘載今去縣二十里

濁山

圖經云在溧水縣東南十里高一十丈周回五里山北濁  
水出焉輿地志云溧水縣有濁山下有濁水即秦淮之源  
也

湯山

寰宇記云在縣東北其面接雲穴山不甚高無大林木

有湯泉出其下大小凡六處湯潤遠其東南四時常熱金魚之類入者輒爛以煮芰穀終日不熟草木濯之轉見鮮茂舊有湯泉館今廢去縣五十里

### 大壯觀山

圖經云在城北一十八里周回五里高二十八丈東連將山西有水下注平陸南臨真武湖北臨蠡湖舊經謂陳宣帝起大壯觀於此山因以為名南史宣帝太建十一年八月幸大壯觀因大閱武命都督任忠領步騎十萬陣於真武湖上登真武門觀宴群臣因幸樂遊苑設絲竹之會仍重章大壯觀振旅而還

### 臨沂山

圖經云在城東北四十里周回三十里高四十丈東北接落星山西臨大江西南有舊臨沂縣城

### 祈澤山

舊經云初法師嘗結茅於此有龍女來聽詩既而神泉湧於講座下後遂為祈禱水旱之所山因此得名高五十丈周回十里東連彭城山北連彭城青龍山今去縣二十三里

### 東廬山

圖經云在溧水縣東南一十五里高六十八丈周回二十里有三源一源出山西流入秦淮一源自山東北流入馬沉港一源自山東南吳漕流入丹陽湖丹陽記云溧水縣

東有廬山與丹陽分界俗禱云以廬舍為名又云敬子陸  
普結廬於此

### 廬龍山

圖經云在城西址一十六里周四五里高三十六丈東有  
水下注平陸西臨大江舊經云晉元帝初渡江到此見山  
嶺連綿接石頭城真江上之關塞以此廬龍因以為名

### 馬鞍山

圖經云山以形似得名西臨大江東與石頭城相接南史  
陳後主禎明三年隋將濟宜黃侯惠紀自荊州帥將士沿  
江而下欲趨臺城遣南康太守魯肅將兵以鐵鎖橫江隋  
將楊素奮兵擊之爭馬鞍山四十餘戰隋軍死者五千餘

人今去城十里

### 大巫山

圖經云在溧陽縣址四十五里周回二百五十步高八丈  
長塘湖內接鎮江府金壇縣界

### 小巫山

圖經云在陳陽縣東址二十五里周回四里高五大長塘  
湖內石上有獸跡

### 平陵山

圖經云在溧陽縣西址三十五里高三丈周回三里晉書  
云永和三年李閔斬韓晃蘇逸於此

### 鉄冶山



圖經云在溧陽縣西南七十里周回六十里高一百八十丈輿地志云前代鉄冶山

### 絳巖山

圖經云在白容縣西南三十里周回二十里高一百六十五丈上有龍坑祠壇江南地志云漢丹陽縣北有顧山其山赤因而郡名本名赤山唐天寶六年改名絳巖山

### 竹里山

圖經云在白容縣方輿地志云行者以其途傾險踰曰翻山峴鮑昭有行翻車峴詩即此山也

### 大城山

圖經云周回二十二里高八十二丈南接符堅山西接陽

門山北接竹堂山今去城七十里

### 望祭山

東晉成帝於北郊以白山鍾山配四十四神之數薰祭之按通典梁武帝省四望座惟鍾山及松江浙江五湖白石山並存之

### 白土岡

圖經云北連蔣山其土色白因名之輿地志云同夏縣西有白土壘即此地按北史隋賀若弼嘗破陳軍於蔣山之白土岡今蔣山西北有岡壘土色正白乃其地圖經云在縣東二十二里非是蓋同夏縣在今縣東十五里而白土岡在同夏之西不應有二十二里之遠也

白楊路

圖經云縣南十二里名山岡之橫道是也六朝雜事云宋袁彖嘗酌於此忽逢村父使留連笑語人佐而問之荅曰吾侶儒達非知音也楊脩有詩云殘枝敗葉幾露春莫問栽培迹已陳細雨斜風馬無力蕭蕭滿路更愁人

千佛嶺

在攝山棲霞寺之側按江總棲霞寺碑明僧紹居士子仲璋為臨沂令於西峯石壁與度禪師鑄造無量壽佛大同年龕頂放光齊文惠太子豫章文獻王竟陵文宣始安王及宋江夏王霍姬齊田魚等琢石建像梁臨川靖惠王復加飾嶺之中道石壁有沈傳師徐鉉張稚圭王雱題

名

謝安墩

在半山報寧寺之後基址尚存謝安與王羲之嘗登此超然有高世之志李太白將營園其上乃作詩曰晉室昔橫潰永嘉遂南奔沙塵何茫茫龍虎闢朝昏胡馬風漢草天盛中原哲匠感顏運雲屏忽飛翻組練照楚國旌旗連海門西秦百萬衆戈甲如雲屯投鞭可填江一掃不足論皇運有反正醜虜無遺魂談笑過橫流蒼生望斯存冶城訪古迹猶有謝安墩憑憑覽周地險高標絕人嗚想像東山姿緬懷右軍言梧桐識佳樹蕙草留芳根紀古雲物存臺荒禾黍繁我耒酌清波於此樹名園功成拂衣去歸入武

政源主荆公詩云我名公字偶相同我屋公墩在眼中  
去我未墩屬我不應墩姓高隨公

桃花塢

在蔣山寶公塔之西北舊有桃花甚盛今不復存

方山埭

建康寶錄吳赤烏八年使校尉陳熏發屯田兵於方山南  
截淮立埭踰方山埭又按南史湖熟縣方山埭高峻冬月  
行旅以為難齊明帝使沈瑀脩之瑀乃開四洪斷行客就  
作三日便辨其埭今去城四十五里

鷄鳴埭

建康寶錄青溪有橋名募士橋橋西南過溝有埭名雞鳴

埭齊武帝早遊鍾山射雉至此雞始鳴圖經云今在青溪  
西南潮溝之上又按南史齊武帝永明中散遊幸諸苑載  
宮人從車至南深隱不聞端門鼓漏置鍾景陽樓上應聞  
鐘聲並早起粧飾帝數章琅邪城宮人常得早發至湖北  
埭雞始鳴故呼為雞鳴埭若爾其埭又當近北父老傳云  
今清化市真武廟側是其處也二埭恐當時所歷故兩存  
之

鑄劍坑

圖經云在溧陽縣南八十里石屋山之西舊經云昔吳王  
使歐冶子鑄劍於此

射雉場

圖經云在縣東二十里齊東宮後置射雉塲五百所塲以七寶裝翳楊脩有詩曰外作禽荒內色荒三千紅粉日嚴狂潘妃縱有媽然態不步金蓮到射塲

絕地

圖經云在縣南三里古大社西有凶地三畝晉周顛司馬秀齋峻皆定於此志也禍敗宋王僧綽曰大丈夫當以正道自居何定之有凶吉尊為元凶所害楊脩有詩曰自古衣冠今不終高門列戟謾重由來瘠沃分勞逸莫道人  
此非定凶

山岡門第六終

宅舍門第七

孔子巷

輿地志云孔子廟在樂遊苑東隔清溪本聖亭侯所奉之廟也舊在溪南丹陽郡之東南本東晉所立中廢宋元嘉十九年詔復孔子廟至齊遷於今處以舊地為浮屠今名孔子寺亦名孔子巷在城東南五里古長樂橋東

言偃里

史記孔子弟子列傳言偃字子游吳人今不知其里所在或云在城東二十二里

四學

南史宋文帝元嘉十六年立儒學館於雞籠山命雷次宗

居之因集丹陽何尚之立玄素學著作佐郎何承天主史  
學司徒叅軍謝玄立文學各取門徒多就業者江左風俗  
於斯為美焉

陸機宅

建康實錄云陸機入洛作懷舊居賦云望東城之紆徐邁  
吾廬之巡佇李太白題王處水亭云齊朝南苑是陸機宅  
其詩云王子耽玄言賢豪多在門好鶩尋道士羨竹嘯名  
園樹色老荒苑池光蕩華軒址堂見明月更憶陸平原掃  
地清王葦為余置金樽醉罷欲歸去花枝宿鳥喧何時復  
來此再得洗蹤頰圖經云在縣南五里秦淮之側

江令宅

陳尚書令江總宅也建康實錄及楊脩詩注云南朝鼎族  
多夾青溪江令宅尤占勝地後主嘗幸其宅呼為狎客劉  
禹錫詩云南朝詞臣址朝客歸來惟見秦淮碧池臺竹樹  
三畝餘至今人道江家宅今城東段大夫約之宅正臨青  
溪即其地也故王荊公詩云昔時江令宅今日段侯家此  
可驗也

沈約宅

南史沈約梁遷尚書令雖名位隆重而居處儉素立宅東  
田矚望郊阜普為郊居賦以叙其事東田在鍾山之下也

孫瑒宅

建康實錄陳部尚書孫瑒居處奢華宅在青溪東西即江

總宅瑒家庭穿築極林泉之致歌童舞女當世罕傳

劉子珪宅

南史齊劉暕字子珪居於檀橋尾屋數間上皆穿漏永平七年竟陵王子良表武帝為立館帝以楊烈橋故主地給之檀橋今在縣東二十五里青龍山之前

朱异宅

南史梁朱异及諸子自潮渚列宅至青溪其中有臺池玩好母暇日輿賓客遊焉

諸葛恪宅

圖經云在縣東二里古元夙觀前南接青溪里俗傳云在今縣東南百餘步面對青溪其東即江今宅也

宋齊丘宅

舊傳在震淮橋之北御街之東今南北較務是也其後又為南唐固子監

杜姥宅

建康寶錄晉成帝恭皇后杜氏母裴氏即杜弘治之妻也裴氏名穆孝武帝封為廣德君初穆渡江宅於南掖門外時裴氏壽考故呼為杜姥圖經云在舊縣東北三里舊縣在治城今天慶觀之東是也其宅未詳所在

烏衣巷

王謝金陵人世以航海為業一日海中失船泛一木登岸見一翁一媪皆衣皂引榭至所居乃烏衣園也以女妻之

此宅元... 金陵園

既冬榭思歸復乘雲軒泛海至其家有二燕飛於梁上榭  
以手招之即飛來臂上取片紙書小詩繫於燕尾曰謾到  
華胥國裡來玉人終日苦憐才雲軒飄去無消息洒淚臨  
風幾百回來春燕又飛來榭身上有詩云昔日相逢真教  
合如今睽遠是生離來春縱有相思字三月天南無鳥飛  
至來歲竟不至因名榭所居為衣蒼劉禹錫有詩曰朱雀  
橋邊野草花鳥衣巷口夕陽斜舊時王榭堂前燕飛入尋  
常百姓家此觀圖經云在縣東南四里晉書王導紀瞻宅  
皆在此巷

乘黃署

輿地志云在本府之西北五路及朝車凡駕馬者之所去

縣東北六里

紙宮署

輿地志云宋永初中立舊日齊帝嘗於此造銀光紙以賜  
王僧虔在縣東一十五里

扶南樂署

建康實錄吳赤烏七年扶南國獻樂人於此置舍以教宮  
人在縣北二里

銅螭署

臺城刻漏署西本洛陽之舊物宋平姚秦遷於此魏明帝  
為太子時說以玉手板刺螭口中因入不出後人常見白  
蟬蛭在其中梁元帝移之江陵此物後遂不復見楊脩詩

云擘壺傳箭逼天聰鑄出端巧範同何事腹中藏  
在物入鷲蠲涎氣如虹

### 錦署

圖經云在縣東南十里宋遷百工於此也楊脩詩云  
衣繼縷地衣紅不念家一杆袖空厥篚織文應歲貢更翻新  
樣集機工

### 焚衣街

齊東昏侯自御服為四種冠五彩袍一月中二十餘出晨  
出三更歸夜出清晨返染自衰陽出師廢之焚奢淫服六  
十二種於御街中楊脩詩云雉頭金縷及珠脚煙緒香雲  
盡不開御路傍人皆嘆息遂巡紅燭作青燧

定舍門第七終

### 識記門第八

#### 秦淮石誌

保太中浚秦淮得石誌按其刻有大宋乾德四年凡六字  
他字磨滅不可識令諸儒參驗乃輔公祐反江東時年號  
太祖受命國號宋改元乾德江左始衰弱豈非威令將及  
而符識先著也

### 石印

天璽元年歷陽山石文理成字凡二十云楚九州潯吳九  
州都揚州士作天子四世治太平始江表傳曰歷陽縣有  
石山臨水高百丈其三十丈所有七穿駢羅穿中色黃赤  
不與本體相似俗相傳謂之石印又云石印封發天下當



太平下有祠屋，巫祝言石印神有三郎。時歷陽長表上言石印發，皓遣使以大牢祭，歷七年言石印三郎說天下方太平。使者作高梯上看印文，詐以朱書石作二十字，還以啓皓。皓大喜曰：吳當為九州作都者乎？後大皇帝逮孤四世矣。太平之主非孤，後誰重遣使以印縷拜三郎為王？又刻石立銘，褒贊靈德，以答休祿。此見吳誌注。

石室

吳興陽羨山有石室，長十餘丈，名曰石室。在所表為大瑞，皓乃遣司徒董朝、太常周處至陽羨縣封禪國山。明年改元天紀，大赦以協石文。

三斷石

吳後主天冊元年掘地得銀，長一尺，廣三分，刻上有年月字。又於吳郡臨平湖邊得一石函，中有一小石，青石色，長四寸，廣二寸，刻上有皇帝字。於是改元天璽，遂立石紀。吳功德按寶錄云：縣南三十里西接牛頭山，丹陽雲岩東路有大碣石，長二丈，折為三斷。此紀功之碑也。今移在府治中。可辨者二百餘字，漫滅者五百餘字。楊脩詩云：孫吳紀德舊刊碑，埋沒蟠螭與伏龜。惆悵石岡三斷在，至今猶似搗分時。

寶公銅碑記

按高僧傳：公諱寶誌，宋元嘉中現形於東陽鎮古木廬，巢中朱氏聞巢中兒啼，遂收育之。因以朱為姓，施宅為寺。公

有國山碑

自少出家依于鍾山道林有銅牌記多識未來事云有一  
真人在冀州開口張子在左邊子一孫七萬七年江南中  
主名其子曰弘冀吳越錢鏐諸子亦皆弘字以應之而  
國朝宣祖諱乃正當之也

潛鶴鼓

臺城端門上二鼓初得於會稽雷門傳是越王舊物擊之  
聲聞洛陽後孫恩亂兵擊破中有二鶴冲天而去自是不  
復鳴後人呼為潛鶴鼓楊脩詩曰端門擊破使人驚潛鶴  
雙飛上玉清怪得舊時聲太遠冲天合自九臯鳴

天水碧

南唐宋時前數年宮人按薔薇水染生帛一夕忘收為濃

露所漬色倍鮮翠因令染坊染必經宿露之踰為天水碧  
宮中競服之識者以為趙之天水碧也

獨足臺

陳宋時有一鳥飛上宮城臺上以背畫地云獨足上高臺  
盛草化為灰欲知我家處朱門當水開解者以獨足指後  
主獨行無衆盛草言荒穢隋承火運草得火而灰及國破  
隋煬帝館於却水臺所謂上高臺當水開也楊脩詩云鳥  
跡分明在帝臺管絃聲裡輒書來回頭一覺風流夢猶得  
朱門傍水開

雁村街塘楊聖  
有景作海內行觀  
金陵園記云八功  
化水者乃法言禱求  
四城阿稱池以七日  
符之者梁以前嘗  
取以給御業故在  
峭壁寺東自迂花  
塔水從之而湧其  
地遶潤

靈異門第九

○八功德水

梅整子松八功德水記云山亭

蔣山悟真庵後按梅擊亭記梁天監中有胡僧曇隱寓錫  
于此山中乏水時有麗眉叟相謂曰予山龍也知師渴飲  
指之無難俄而一沼沸成後有西僧繼至云本域八池已  
失其一此竭彼盈此也其泉一清二冷三香四柔五其六  
淨七不饑八蠲痼故名八功德水自梁已前嘗取給御厨  
又按楊脩詩註云高僧曇隱遊行於此忽聞金石絲竹之  
音俄見清泉一泓瑩徹甘滑有積年疾者飲之皆愈

誌公繪殘魚

高僧傳寶誌嘗對梁武帝食繪帝曰朕不知味二十餘年

師何為爾誌乃吐出小魚鱗尾依然今金陵尚有繪殘魚

牝狙觸網

按湘山野錄云南唐李後主獵青山一牝狙觸網見主西  
淚稽顙屢指其腹戒虞人保守之是夕誕二子還幸大理  
寺親錄囚繫一大辟婦以孕在獄未幾誕二子煜感牝狙  
之事罪止於流其山去城東二十五里

感龍產鯉

昔民有女感黑龍於田野歸而有娠後產鯉魚投於水中  
復能變化隨母所爾後乘雲而去母亡每春時必來墳所  
鄉人懼之因立廟祠焉謂之烏鯉廟在溧水縣東南二十  
五里

郝氏化蛇

郝氏梁武帝皇后也崩數月帝常追悼之晝則忽不樂  
宵乃耿耿不寐居寢殿閣外驢窠穴中出也視之乃見一  
蟒盤踞上殿睽式再切說文云曾視貌睛呀香牙切口以向於帝帝大  
驚駭無所逃避不得已蹶然而起謂蛇曰朕宮殿嚴警非  
爾蛇類所生之處必其妖孽欲崇朕耶蛇為人語啓帝曰  
蟒則昔之郝氏也妾以生存嫉妬六宮其性恠毒怒一發  
則火熾矢射損物害人死以是罪謫為蟒耳無飲食可實  
口無窟穴以庇身飢窘困迫力不自勝又鱗甲有蟲咬合子  
切噉後肌肉痛苦甚劇若加錐刀焉蟒非常蛇亦復變化  
而至不以皇居深重為阻耳感帝平昔養妾之厚故託醜

形骸陳露於帝前，一功德以見極後也。帝聞之，嗚呼感激，既而求蟒，遂不復見。帝明日大集沙門於殿庭，宣其由，問善之最，以贖其苦。誌公對曰：「非禮懺佛，以滌悃，款不可。帝乃然，其言搜索佛經錄，其名號，兼親抒睿思，洒聖翰，撫悔文，共成十卷，皆採摭佛語，削去閑詞，為其懺禮。又一日，聞宮室內異香，馥郁良久，轉美，初不知所來。帝因仰視，乃見一夫人，容儀端麗，謂帝曰：「此則蟒後身也。蒙帝功德，得生叨利天，今呈本身，以為明驗也。」應懃致謝，言訖而去。此

見梁武懺序

燕雀湖

輿地志云：走馬橋見有燕雀湖。窮神秘苑曰：梁昭明太子

在東宮，有一琉璃盃，紫玉盃，皆武帝所賜也。既薨，詔置梓宮後，更葬，聞墳為閻人携入，大航乃有燕雀數萬，擊之，因為有司所縛，乃獲二寶器，帝聞而驚，異詔以賜太孫封墳之際，復有燕雀數萬，銜土以增其墳，側今有湖，後人因名燕雀湖。楊脩有詩曰：「平湖岸側見高墳，萬土街來燕雀群。鑑面無沒天一色，此中文藻似儲君。」在城東四里清溪上。

新洲

南史宋武帝伐荻新洲，見大蛇長數丈，射之，傷明日復至。洲裡聞有杵臼聲，往覘之，童子數人皆新衣於楛中，搗藥。問其故，荅曰：「王為劉寄奴所射，合散傳之。帝曰：「王神何不殺之？」荅曰：「寄奴王者不可殺，帝叱之，皆散收藥而反。今薛

家洲蓋其地也屬金陵鄉去城址四十里

生人後

南史梁阮孝緒字士宗母王氏有疾合藥須得生人後舊傳鍾山所出孝緒躬歷幽險累日不逢忽一鹿前行隨後至一所遂滅就視其處果獲此草今山中不復有之

木醴

建康實錄陳後主禎明二年初覆舟山及松栢林冬月出木醴後主以為甘露之瑞俗呼為雀餒今廢也

靈異門第九終

神仙門第十

茅山君

茅濛字初成華陽人也隱華山脩道秦始皇三十一年白日上昇是時先有民謠曰神仙得者茅初成駕龍上昇入太清時下去州戲赤城繼世而往在我盈始皇聞之問故白此仙謠也於是尋仙之意濛之元孫盈得道於金陵句曲山上昇為東嶽上卿司命真君太元真人居赤城時來句曲郡人改句曲為茅君山事觀圖經云漢時有三茅君各乘一白鶴來居其上故號為三茅君世傳茅盈茅固茅衷皆茅濛之後也山在句容縣東南四十五里茅陽縣在荆公有詩云一峰高出衆山巔疑隔沙塵道里千

俯視煙雲來不極，仰攀蘿葛去無前。人間已換嘉平地，下誰通句曲天。陳迹是非分草莽，紛紜流俗尚師仙。

### 仙人臺

幕府山之西有石碁盤，說者云舊有仙人對奕於此。故徐君平幕府山詩云：「仙去碁盤草自繁。」即此地也。去城址二十五里。

### 尋仙觀

梁時造也，與芝山洞相鄰。上有石壇，舊經云：昔茅君行道之所。唐垂拱五年，道士宋文幹因石琢像，重脩壇焉。在溧水縣東南六十里。

### 太虛觀

舊經云：東晉時李盤白遇仙於此，脩道。白日上昇，山頂有會仙亭。唐開元五年，建大中祥符元年九月，奉勅改今額。在溧陽縣西南四十里，盤白山下，初名招仙觀。

### 華陽洞

舊經云：即第八金壇大洞天也。唐改為太平觀，在白容縣東南四十里茅山之側。

### 華陽宮

舊經云：張真人合丹之所也。梁陶隱居立為華陽館，唐天寶七年改今額。

### 驚洞宮

舊經云：梁普通三年，晉陵縣女子錢妙真幼年於此修行。

誦黃庭經積功三十年道成佩白練飛入洞中有石室  
壇存焉天寶七年奉勅於錢真人昇仙之所建宮度女道  
士洞在宮東一百餘步

### 太平觀

梁書云陶弘景讀書萬餘卷善琴碁為諸王侍讀永明十  
年脫朝服掛神武門上表辭祿詔許之於是止於句容之  
句曲山曰此是第八洞宮之名金壇華陽之天乃立館自  
號華陽陶隱居唐貞觀九年為昇真先生改為太平觀

### 青元觀

舊經云本吳朝葛仙公宅也梁天監七年建有一丹井在  
祠前去句容縣西南三百餘步

### 洞元觀

輿地志云赤烏二年吳大帝為仙公葛玄造玄後曰白日  
上昇山上至今猶有壇宇楊脩有詩曰葛玄功行滿三石  
白日驂鸞上碧天留得舊時壇宇在後人方信有神仙觀  
在方山山去城四十五里

### 仙杏山

舊經云絕頂有杏林及仙人脚跡因以名之又有仙壇石  
井故一名仙壇石山唐垂拱五年重修壇三所并石井聖  
曆二年縣令岑仲琰石為像設香燈供祀之下有清泉流  
入丹陽湖在溧水縣東南四十三里

### 白都山



昔白仲都常於此學道白日昇因以為名揚脩詩云  
鶴駮鸞自古聞策名仙籍是真君天邊舊迹無尋處滿目  
青山空白雲在城南八里西臨大江、

石城洞

石頭城西嶺下南臨大江有洞宛然按真誥此小有洞之  
南門也

道士塢

蔣山明慶寺前乃陳宣帝禮元靖先生臧兢處今在寶公  
塔之東

靜壇

舊經云宋侍中周捨立輿道士塢相對帝問曰其壇如何

對曰風不鳴條雲無膚寸鹿巾黃帽其數甚多白簡朱衣  
其來罕至因名曰靜壇今按道士塢在蔣山古明慶寺前  
輿八功德水相近則靜壇當在其處

春磧

鍾山宋興寺東梁處士劉許字彥度隱居之所揚脩詩云  
手拖葛屨坐梨床竹樹蕭然一水傍枕上白雲船下月小  
鄰東磧勝東岡

玉晨觀

句容縣東南四十五里句曲洞北門之側舊經本說許長  
史宅也昔高辛時辰上公秦時巴陵侯漢時杜廣平並於  
此學道得仙梁武帝天監十三年陶弘景奏請立於朱陽

館唐貞觀中為紫微園師王先生改為華陽宮天寶七年  
為玄靖先生改紫陽觀前有郭真人養龍池醮壇冊井俱  
在大中祥符中奉勅改今額

神仙門第十終

寺院門第十一

吳建初寺

輿地志云吳赤烏十年沙門禮會自西竺來傳佛法吳大  
帝作寺自此起楊脩有詩云僧會西來始布金常聞鐘磬  
伴潮音江南古寺知多少此寺獨應年最深舊傳在南三  
百餘步

同泰寺

梁武帝改年踰大同起同泰寺在臺城內窮竭帑藏造大  
佛閣七層為天火所焚梁帝捨身施財以祈佛福自大通  
以後無年不幸同泰寺設四部無遮大會俄而侯景兵起  
陷城遂以虛器進膳自庚辰至丙戌七日不食而崩楊脩

詩曰佛事莊嚴國力疲  
照天金碧倚欄危  
沉檀爐上烟雲合  
却似當年煨燼時

蔣山太平興國禪寺

梁武帝天監十三年以錢一十萬易定林寺前因獨龍阜以葬誌公永定公主以湯沐之資造浮圖五級於其上十四年即塔前建開善寺今寺即其地也唐乾符中改為寶道場太平興國五年改賜今額慶曆二年府葉龍圖清臣奏請為十方禪院按高僧傳及寶公實錄公諱寶誌宋元嘉中現於東陽郡古木鷹巢中朱氏婦聞巢中兒啼遂收育之因以朱為姓乃施宅為寺焉公自出家依於鍾山道

林寺常持一錫杖杖懸刀尺及鏡拂之類由是知名齊梁間死而將葬梁武帝命陸倕製銘已賜玻璃以飾塔表南唐保大七年加號妙覺塔名應世本朝太平興國七年舒氏柯夢遇老僧徃萬歲山指古松下掘之得石篆乃寶公記聖祚綿遠之文於是遣使致謝謚曰寶公妙覺治平初更謚道林真覺太師按建康實錄開善寺有誌公履唐神龍初鄭克俊取之以歸長安今洗鉢池尚在塔西二里法雲寺基方池是也寺西有曰道光泉以僧道光穿斷竹是切得名曰宋熙泉以近宋熙寺之側有八功德水在寺東悟真庵之後一人泉在寺北高峯絕頂寺東山巔有定心石下臨峭壁寺西百餘步有白蓮庵前有白蓮池乃

策禪師退居之所寺後向東有塔曰婁約即慧約婁禪師之塔高僧傳云葬於獨龍山寶公之左是也舊有寶公及婁約塔碑梁王筠撰文今不復存楊次公有詩曰今古忙忙利祿間幾人能此扣松關猿驚鶴怨不知處虎踞龍盤空見山芳草路隨流水遠老僧心共白雲閒淮南舊隱拋離久一誦移文一愧顏荆公詩已見鍾阜下

### 半山報寧寺

王荆公故宅也其地名白塘舊以地卑積水為患自荆公來居乃鑿渠決水以通城河元豐七年公以病間。神廟遺國醫診視既愈乃請以宅為寺因賜額報寧禪寺。後有謝安墩其西有土山曰培塿乃荆公決渠積土之地由

城東門至蔣山此半道也故今亦名半山寺陳軒金陵集載荆公半山詩凡十五首寺中有寶禪師語錄序王荇撰  
米芾書

### 清涼廣惠禪寺

偽吳順義中徐溫建為興教寺南唐昇元初改石頭清涼禪寺後復改清涼大道場本朝太平興國五年閏三月改為今額舊傳嘗為李氏避暑宮寺中有德慶堂今法堂前舊基是也後主嘗宿寺中故其詩有未能歸去宿龍宮之句德慶堂名乃後主親書祭悟空禪師乃後主自為文碑刻今見在舊有李氏宮人親寫藏經及本朝所賜御書今皆不存唐溫庭筠清涼寺詩曰詩闌小窻藏雪嶺

禪堂秋水接藍溪東坡先生捨彌陀畫像於寺中其詩曰  
問禪不契前三語施佛室餘丈六身蓋謂此也楊次公題  
清涼寺翠微亭詩白君勿愛清涼清涼如火如沸湯君勿  
愛炎熱炎熱如水如積雪勿愛亦勿惡未是逍遙處君不  
見海會山前一條路一車來一車去古今轉展何日佳落  
花時節雨初晴黃鶯枝上分明語又因舟次秦淮寄清涼  
老曰雲居一衆舟次秦淮忽爾狂風動地白浪滔天致此  
片帆難以寸進又恐石頭老子把定要津不肯放過今者  
食時已及香積未充更不敢遣化菩薩去干煩老是靈利  
人必已會得了也時王荆公在清涼寺見之云清涼應是  
推辭不得